

# REES, EDWARD WALTER ('Gwallter Dyfi '; 1881 - 1940), rheolwr banc a cheidwad cledd yr Orsedd

**Enw:** Edward Walter Rees  
**Ffugenw:** Gwallter Dyfi  
**Dyddiad geni:** 1881  
**Dyddiad marw:** 1940  
**Priod:** Frances Anne Rees (née Richards)  
**Rhiant:** Jane Rees (née Jones)  
**Rhiant:** Richard Rees  
**Rhyw:** Gwryw  
**Galwedigaeth:** rheolwr banc a cheidwad cledd yr Orsedd  
**Maes gweithgaredd:** Economeg ac Arian; Eisteddfod  
**Awdur:** Mary Auronwy James

Ganwyd 8 Hydref 1881 yn fab i Richard Rees ('Maldwyn ', bu farw 1927) a Jane (ganwyd Jones) ei wraig, Medical Hall, Machynlleth, Trefaldwyn. Mynychodd ysgol sir Machynlleth cyn mynd i weithio mewn banc, gan ddod yn rheolwr Banc Barclay yn Aberteifi ac wedyn yng Nghaerfyrddin (1926-40). Priododd, 8 Rhagfyr 1914, â Frances Anne Rees, Goleufryn, Eglwys Newydd, Morgannwg, a bu farw 24 Ebrill 1940, gan adael dau fab a merch. Yr oedd yn sylfaenydd ac ysgrifennydd Cymdeithas Cymrodorion Aberteifi ac yn aelod o nifer o gymdeithasau diwylliannol eraill. Ef oedd ysgrifennydd Eisteddfod Genedlaethol Caerfyrddin, 1911, a bu'n geidwad cledd Gorsedd y Beirdd am gyfnod maith, 1913-40. Golygodd golofn Ceredigion a Phenfro yn y *Cardigan and Tivyside Advertiser* am gyfnod. Yr oedd ganddo gasgliad da o hen lyfrau a llawysgrifau Cymraeg ac yn 1938 etholwyd ef yn drysorydd Cymdeithas Lyfryddol Cymru.

## Awdur

Dr Mary Auronwy James

## Ffynonellau

*Mynegai Bywgraffyddol W. W. Price*

*Cardigan and Tivyside Advertiser*, 28 Mai 1926

## Darllen Pellach

Local weddings: Rees-Richards *Carmarthen Journal*, 11 Rhagfyr 1914, t.5

## Dolenni Ychwanegol

Wikidata: [Q28360844](https://www.wikidata.org/wiki/Q28360844)

Dyddiad cyhoeddi: 1997

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

